

# Mepepelime me Ire ma Bulu a tyo ya Aza a Tasalonika

*Ucuɗuwu wa aatagada a nda*

Bulu ɗanaa ta aza e Itoni a na a ri pe atsuma a Tasalonika. Ayi da mepepelime me ire ma na u danayi aza e Itoni atsuma a lyuci na ri na abajini e eden a na a ri a nge'en m mala. U ɗana ta mepepelime ma nda adama a na ama o ro aa yuwusan uritosu u sa'ani shi adama o urana u na Yesu Zamawawa aa kamba. Ozo o ro e le a damma ta a na a tsuru ta mepepelime diga ya Bulu agba epen a da le.

Atsuma e mepepelime ma nda Bulu ɗana ta amayun e ili i na yaa fara a makamba ma Yesu. U dashi ta damma ili i na u dammai de adama a adanshi a nda. Bulu yuwan ta adanshi e ili i ta'atsu i na i la'ai ulobonu atsuma e mepepelime ma nda. U damma le ta adama ada a mantsa ma na Yesu aa kamba. Waru u dammisa le ta atsumalima a na o sowuso ubata wa Asula a da wo utusa shi. Atsumalima a nda o to koto urana u ro reve a tsuru wiwun. A tyo o ukosu, u damma le ta a yuwan ulinga na atyo o ucira u na a ri na ayi kafu Yesu kamba.

Ili i nda suru amayun a da hali a tyo ana'an, cine a danai a mantsa ma ama a Tasalonika a na Bulu ɗanaa nle mepepelime ma nda.

*Ili i na i ri pe atsuma a aatagada a nda*

1. Icasu (1:1-2)

2. Ukambu wu Zagbain amayun a da (1:3-12)
3. Koto Zagbain kambā shi (2:1-12)
4. Vu yuwan nden mā aḅulā (2:13-17)
5. Vu yuwan avasa waru vu yuwan ulinga (3:1-15)
6. Avasa o ukosu (3:16-18)

<sup>1</sup> Aḅu Bulu, nā Sila nā Timoti, aṭsu da tsaa danasa mepepelime ma nda e tewee aḅa e Itoni ya Tasalonika ama a Asulā Dada tsu aza a na a ri aṭsuma e itoni yi Zagbain Yesu Kristi Zamawawa.

<sup>2</sup> M pati tā Dada Asulā nā Yesu Zamawawa Zagbain u roco ḅu isa'ani waru u ca ḅu aba'un na asuvu nden!

### *Avasa o ugodyusho*

<sup>3</sup> Ama a va, u lobono tā tsu godyoo Asulā adama a ḅu kuci, tsu ta yuwusan māzāngā adama a na ucawu wo okolo a ḅu a ta kungusa aṭsuma e itoni nu ucira, waru suru ndu i tā dashishi ncigalai.

<sup>4</sup> Nā tsaa yuwusan adanshi a ḅu nā aḅa e Itoni ya Asulā baṭa ro, aṭsu tsu yuwan tā māzāngā a na yaa kaḅusa asuvu, aḅu i buwa nu ucawu wo okolo ko na yoo sowuso aṭsumalimā a mālyungwā na awuya.

<sup>5</sup> Aṭsumalimā a nda o to rocosu Asulā e te ge'eto koyan mejege. Ne da Asulā ee kece ḅu aṭsuma a aza a na aa uwa o tsugono tsā yi, agba gogo adama o tsugono tso ndolo tsa da yoo sowuso aṭsumalimā'a.

<sup>6</sup> Asulā a ta yuwusan ili i na i ri ulobonu kuci. U ta ca aza a na a tāwusaḅu ḅu na addama aṭsumalimā. Waru u tā tāwaa ḅu nā wivuwun aṭsuma a aṭsumalimā a ḅu.

<sup>7-8</sup> A mantsa ma na Yesu Zamawawa Zagbain aa tawa digu zuva na nlingata ma Asula mu ucira ma yi obolo na akina a makula u ta ca tsu wivuwun fo.

Zagbain tsu Yesu ta ca aza a na e revei Asula shi atsumalima na aza a na a 'yuwain a yuwan tsutoni na Alabari a Sa'ani a Zagbain tsu Yesu.

<sup>9</sup> Atsumalima a na oo sowo ayi da ulungusu suru suru. A ta kasa le na Zagbain waru nu ucira u tsugbain tsa yi suru suru.

<sup>10</sup> Ili i nda i ta fara o urana u ndolo a mantsa ma na Zagbain aa kamba adama u ushi ica na tsugbain e ekere a aza a na a ca niyi okolo suru waru a ri aza a yi. Ili'i obolo na adu da, adama a na i usu ta ili i na tsu dammai.

<sup>11</sup> Asula a dangwa du ta, waru tsu ta avasa a na Asula aa usu du yi ntsaa yoo o'wo ama a yi. Tsu ta avasa a na ucira wa Asula waa kamba du i yuwan ili i sa'ani i na yaa ciga i yuwan suru. Ucawu wo okolo a du a da waa zuwusa du i ciga mayan me ili i nda.

<sup>12</sup> Ne da za suru aa ca ala a Zagbain tsu tsugbain adama a du, avu a ca du tsugbain obolo na ayi. Ayi nda ili i mayuwaan i da e ekere a Asula a tsu ne ekere e Yesu Zamawawa Zagbain adama e isa'ani i le.

## 2

### *Vuma Vama na 'yuwain Wila*

<sup>1</sup> Ama a va, tsu ta damma du ununa Zagbain tsu Yesu Zamawawa aa tawa, na cine oo boloto tsu ubata wa yi.

<sup>2</sup> She yoo o'ushi na atsumolangu ko udamu adama a ama a na aa dansa a na urana wu Zagbain

u tawā tā de wan. A ta gura damma a uwwa tā ne ubatā u tsu o uritosu, ko e ikaka ya adanshi, ko e mepepeline.

<sup>3</sup> She i lyawa a yuwan dū ugbozu ni ili i na aa dansa wan.

Amayun ayi da urana u ndolo waa tawā shi, she na abajini o u'yasasan wa aci e ekere a Asula a rawa reve waru o roco Vuma Vama na aa lungusa suru suru.

<sup>4</sup> U tā 'yasan aciyayi mgbain, reve u tara aciyayi u la'a tā ili i na a tsu de aamali suru. Avu waru u lungusa ili i na aa yuwusaan aganda suru. U ta uwa atsuma a Aa'isamapada a Asula, avu u damma ayi na aciyayi Asula a da.

<sup>5</sup> I gura cuwan ana n danai obolo na adu, n yuwaan dū tā adanshi e ili i nda.

<sup>6</sup> Gogo gba i reve tā ili i na yaa guzasa yi, adama a na a to utaa yi a alanga e eteshe na mantsa ma yi ma rawa.

<sup>7</sup> Agba ko gogo ucira wu ulinga u vuma u na u ri a nlangi na Asula u to ulinga usokowu. Agba za na aa guza yi ta lyuwa elime na mayan ne hali she na a tawa za na aa guzasa yi'i.

<sup>8</sup> Dada Vuma Vama oo utaa aciyayi, ayi da za na Zagbain Yesu Zamawawa oo kototo nu upepu u wiwuwun wu unā wā yi. Ayi da za na Yesu Zamawawa aa lungusa, nu u tawā atsuma a tsugbain tsa yi.

<sup>9</sup> Vuma vama n nda u tā tawā u yuwan ulinga u Male nu ucira we epen ni iroci ye epen na linga va asalama ve epen.

<sup>10</sup> Waru u ta gura yuwan atyo e iwuya i na waa yuwan wu lumā ama a na aa lungusa. A tā lungusa

le adama a na a 'yuwan ta a ciga ili ya amayun reve waru a 'yuwan iwawi i na i tsu uta ubata wa Asula.

<sup>11</sup> Adama o ndolo Asula a lyunguwa le ta ni ili yu ucira i na yaa luluma le, avu u zuwa le a usu epe'en.

<sup>12</sup> Ne da oo kototo le adama a na a shi ta a uwwusa uyo'o wiiwuya i na a shi a yuwusan, reve a 'yuwan a usu amayun.

### *Yi isawan nu ucira*

<sup>13</sup> Ama a va, tsu godyoo ta Asula adama a du. Zagbain ciga du ta waru Asula a dangwa du ta de nu ujimu diga o ufaru adama u wawa du. Iwawi i nda i tawa ta adama a na Ruhu va Akiza kambato ndu cece, waru u tawa ta adama a na i usuyi ikaka ya amayun.

<sup>14</sup> U de du ta i tsura iwawi a mantsa ma na tsu damma ndu Alabari a Sa'ani. Gogo nda i ta gura uwa atsuma a tsugbain tsu Zagbain tsu Yesu Zamawawa.

<sup>15</sup> Ama a va, adama e ili i nda, i ciga i 'yuwan yi isawan mejege, avu i guza ili i na tsu rito ndu atsuma a adanshi na atsuma a madana.

<sup>16</sup> Asula Dada tsu ciga tsu ta. Adama e isa'ani ya yi u ca tsu ta adanshi na asuvu nden nu uzuwu wo okolo u sa'ani u na u ri nu ukotu shi.

<sup>17</sup> Tsu ta avasa Zagbain Yesu Zamawawa na Asula Dada tsu a zuwa okolo a du a gbama. Waru tsu ta avasa a ca du ucira u na yaa yuwan ili i sa'ani, reve waru i yuwusan adanshi a sa'ani.

## 3

### *Iyuwaan tsu avasa*

<sup>1</sup> Ama a va, o ukosu u mepepeli me ma nda, n te ipati i yuwan avasa adama a tsu. Ili yu ufaru, i yuwan avasa adama e ikaka yi Zagbain i baza go'o avu ubata u na u rawai biti, a tara yi na abula ununa i yuwain a mantsa ma na ikaka'a i rawa ndu.

<sup>2</sup> Waru i yuwan avasa a wawa tsu e ekere a ama a vama na ama e iwuya, adama a na vuma suru da cayi Zagbain okolo shi.

<sup>3</sup> Amma Zagbain za va abula da, u ta gbamato du, avu u geshe du e ekere a za vama.

<sup>4</sup> Tsu ta nu uzuwu wo okolo atsuma a Zagbain a na yaa yuwusan ili i na tsu damma ndu, waru tsu ta nu uzuwu wo okolo i ta lyuwa elime na mayan ne.

<sup>5</sup> Lyawa Zagbain roco du cine Asula a ciga ndu, waru u roco du cine yaa kaba asuvu na atsumalima ununa Zamawawa kabai asuvu.

*Morono ma atsuvu adama a aza o ukudu*

<sup>6</sup> Gogo gba ama a va, tsu ta zuwusa du i yuwan ili i nda atsuma a ala a Zagbain tsu Yesu Zamawawa: Yi kasa na vuma suru na ri nu ukudu atsuma a du waru za na aa yuwusan nden ma yi a kurusu uritosu u na i tsurai ya'a tsu shi.

<sup>7</sup> Adu na aciya du i reve ta cine wuntsayi i toni ili i na tsu yuwain. Ana tsu dana na adu, tsu dana aza o ukudu shi.

<sup>8</sup> Tsu ushi ilyalya une'e ubata wu za ro shi, shede na tsaa tsupa. Tsu linga ta lon urana na ayin adama tsoo o'wo itana a tyo ya'a du wan.

<sup>9</sup> Tsu yuwan ta ne ko na tsu ri na tsaa zuwa du i lyuwato tsu, avu gba tsu 'yuwan adama tsu lyawaa du iroci i na ya kuru.

<sup>10</sup> A mantsa ma na tsu danai obolo na adu, tsu zuwaa du ta wila u nda: “Za na suru lingai shi, she u lyuwa wan.”

<sup>11</sup> Gogo gba tsu uwwa ta ozo o ro atsuma a du a ta a nden me pere, reve a 'yuwan a linga, reve a uwa e gesheshe ulinga wa akapi a ama.

<sup>12</sup> Adama o ndolo, atsuma a ala a Zagbain tsu Yesu Zamawawa, tsu ta patishi icu'un ya ama o ndolo, tsu ta gba waru a dansaa le, e reme ulinga adama a tsura ilyalya waru a danu ben.

<sup>13</sup> Ama a va, she i kuna mayan me isa'ani wan ko ke'en.

<sup>14</sup> I kalyuwa aza a na a 'yuwain a kuru ili i na tsu dammai atsuma e mepepeli me ma nda ulobonu. Yi kasa ne ele, adama o o'wo na wono.

<sup>15</sup> She i tara ama a nda ana n'yuwatan n du wan, amma i yuwan adanshi ne ele ununa yaa yuwan adanshi na aza a du, za na lobonoi i bara yi adama o unusu u na waa yuwusan.

### *Icasu yu ukosu*

<sup>16</sup> Lyawa Zagbain va asuvu nden na aciyayi u ca du asuvu nden a yi kuci atsuma e ili i na i farai suru. Lyawa Zagbain dana obolo na adu suru.

<sup>17</sup> Gogo nda apa icasu i va, amu da n dana niyi ne ekere a va. Amu, Bulu, ne da n tsu yuwan o ukosu wu mpepeli me n va suru, waru o to rocosu aza a va a da na amayun.

<sup>18</sup> Lyawa isa'ani yi Zagbain tsu Yesu Zamawawa yo o'wo obolo na adu suru.

**Nzuwulai n Sa'avu na Tsishingini na adiva a  
na a dangulai a Nzuwulai mu Ufaru  
New Testament in Tsishingini (NI:tsw:Tsishingini)**

copyright © 2011 Wycliffe Bible Translators, Inc.

Language: Tsishingini

Translation by: Wycliffe Bible Translators, Inc.

**Copyright Information**

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Tsishingini

**© 2011, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.



2019-08-09

---

PDF generated using Haiola and XeLaTeX on 18 Apr 2025 from source files  
dated 29 Jan 2022

bb185c63-dc44-572c-ae93-66252c4dfa1e